

首創古今對照版

論藏名著選編 [唐] 李通玄／著

主編／李利安

◎ 整理／楊航
／康曉紅

新華嚴經論



◎ 即《華嚴經合論》 ◎ 八十華嚴的權威闡釋 ◎ 佛教義學的巔峰
◎ 晚唐維摩詰李長者的傳世大作 ◎ 享譽一字增減不得的名著

西北大學出版社

論藏名著選編


主編・李利安

整理・楊航康曉紅

新華嚴經論

〔唐〕李通玄著

叁



西北大學出版社

新華嚴經論

图书在版编目(CIP)数据

新华严经论/(唐)李通玄著;杨航,康晓红整理. —西安:

西北大学出版社, 2005. 11

(论藏名著选编/李利安主编)

ISBN 7-5604-2064-8

I. 新… II. ①李…②杨…③康… III. 大乘—论藏 IV. B942.1

中国版本图书馆 CIP 数据核字(2005)第 100825 号

论藏名著选编

新华严经论

作 者:李通玄

整 理:杨 航 康晓红

主 编:李利安

出版发行:西北大学出版社

策 划:书僮图书工作室

地 址:西安市太白北路 229 号

购书电话:029-88302590 84337138

邮政编码:710069

印 刷:陕西地质印刷厂

开 本:880 毫米×1230 毫米 1/32

印 张:75

字 数:912 千字

版 次:2005 年 11 月第 1 版 第 1 次印刷

书 号:ISBN7-5604-2064-8/B·59

定 价:148.00 元(共伍册)

目 录 三

新华严经论卷第十七	(898)
(十住品第十五)	(914)
(梵行品第十六)	(942)
(初发心功德品第十七)	(948)
新华严经论卷第十八	(972)
(明发品第十八)	(974)
(升夜摩天宫品第十九)	(1004)
(夜摩天宫偈赞品第二十)	(1014)
新华严经论卷第十九	(1028)
(十行品第二十一)	(1028)
(十无尽藏品第二十二)	(1046)
(升兜率天宫品第二十三)	(1056)
新华严经论卷第二十	(1092)
(兜率天宫偈赞品第二十四)	(1104)
(十回向品第二十五)	(1120)
新华严经论卷第二十一	(1148)
新华严经论卷第二十二	(1228)
(十地品第二十六)	(1236)
新华严经论卷第二十三	(1274)
新华严经论卷第二十四	(1336)

大方廣佛新華嚴經論卷第十七

唐于闐國三藏沙門實叉難陀譯經

唐太原方山長者李通玄造論

第二一切慧菩薩。世界名波頭摩華。佛號無盡月。於此義中義分爲五。一釋菩薩名。二釋世界名。三釋隨位進修佛果之號。四釋其座體。五定其所來方面。第一釋菩薩名者。所以名一切慧。以隨位進修中達一切法無體無性非迷執故。此當第二治地住。修戒波羅蜜中十波羅蜜以一切法無體性非染淨以爲戒體故。如此十住位梵行品是其戒體。二釋世界名者。所以世界名波頭摩華。此云赤蓮華也。爲表戒相無染處世赫奕開敷莊嚴萬行感果可觀義也。三釋隨位進修佛果之號者。佛號無盡月爲菩薩名。一切慧佛果還號無盡月。明因果相似故。卽明一切慧是修行得一切佛智慧之人。世界是所修行之法。佛果是治地住中所得之果。明能清涼一切煩惱故。四座體。如前已釋。五定其所來方面者。是南方之眾也。爲表南方是离

大方广佛新华严经论卷第十七

唐于阗国三藏沙门实叉难陀译经

唐太原方山长者李通玄造论

第二一切慧菩萨。世界名波头摩华。佛号无尽月。于此义中。义分为五。一释菩萨名。二释世界名。三释随位进修佛果之号。四释其座体。五定其所来方面。第一释菩萨名者。所以名一切慧。以随位进修中。达一切法无体无性。非迷执故。此当第二治地住。修戒波罗蜜中十波罗蜜。以一切法无体性非染净。以为戒体故。如此十住位梵行品。是其戒体。二释世界名者。所以世界名波头摩华。此云赤莲华也。为表戒相无染处世。赫奕开敷庄严万行。感果可观义也。三释随位进修佛果之号者。佛号无尽月。为菩萨名一切慧。佛果还号无尽月。明因果相似故。即明一切慧。是修行得一切佛智慧之人。世界。是所修行之法。佛果。是治地住中所得之果。明能清凉一切烦恼故。四座体。如前已释。五定其所来方面者。是南方之众也。为表南方是离

位是虛無義是文章義是赤色赫奕義如日正南
 照萬象而同明義是故菩薩名一切慧世界名赤
 蓮華佛號無盡月此是善財童子見海雲比丘見
 佛說普眼經以義思之自當明矣第三勝慧菩薩
 義分爲四。一明菩薩名。二明所居國土。三明隨位
 佛果之號。四明從所來方。一明菩薩名者所以名
 勝慧爲明隨位進修更明淨故。不移一法勝前位
 故。二明世界名者所以名寶華世界此明忍波羅
 蜜已得一切諸佛之智慧以道體而能行忍行華
 者行也明以忍行莊嚴智慧法身。三明佛果之號
 所以佛號不動月者以得理成行達心境而無可
 動故明能堪忍也。月者清涼義。四明從所來方者
 是西方之眾以西方爲秋爲殺爲苦諦以慈悲位
 在中如十迴向中善財見觀音在金剛山之西爲
 明金爲殺位以表眾苦之處以修其慈忍以是義
 故菩薩名勝慧世界名寶華佛號不動月總明得
 法成忍之力用勝故此是寶華義此是修行住對
 治法也此是善財見善住比丘得無礙法門以能
 忍故第四菩薩名功德慧於此義中分之爲四。一
 明菩薩名。二明世界名。三明佛果之號。四明從所

位。是虚无义。是文章义。是赤色赫奕义。如日正南照万像面圆明义。是故菩萨名一切慧。世界名赤莲华。佛号无尽月。此是善财童子见海云比丘。见佛说普眼经。以义思之。自当明矣。第三胜慧菩萨。义分为四。一明菩萨名。二明所居国土。三明随位佛果之号。四明从所来方。一明菩萨名者。所以名胜慧。为明随位进修更明净故。不移一法。胜前位故。二明世界名者。所以名宝华世界。此明忍波罗蜜。以得一切诸佛之智慧。以道体而能行忍行。华者行也。明以忍行庄严智慧法身。三明佛果之号。所以佛号不动月者。以得理成行。达心境而无可动故。明能堪忍也。月者清凉义。四明从所来方者。是西方之众。以西方。为秋。为杀。为苦谛。以慈悲位在中。如十回向中。善财见观音在金刚山之西。为明金为杀位。以表众苦之处。以修其慈忍。以是义故。菩萨名胜慧。世界名宝华。佛号不动月。总明得法成忍之力用胜故。此是宝华义。此是修行住对治法也。此是善财见善住比丘。得无碍法门。以能忍故。第四菩萨名功德慧。于此义中。分之为四。一明菩萨名。二明世界名。三明佛果之号。四明从所

來方。一明菩薩名者云何名功德慧。此位精進
 波羅蜜。勤行利物廣益眾生故。招多功德以立其
 名。二明世界名者。所以名優鉢羅華。此云青蓮華。
 諸色蓮華。此華最勝。爲明諸行之中精進最勝。故
 以此華爲所居法體故。一切萬行以此爲功。三明
 佛果之號。所以名爲風月佛。爲明精進波羅蜜離
 慢無懈。一念成佛速疾如風。又明精勤觀照定慧
 如風。能消染淨無明塵垢。香臭悉吹如風。能清涼
 故。四明所從來方者。是北方之眾。北方者是坎位。
 是黑是愚。是世間嶮盜之義。又爲師爲君之位。以
 是義故。以精進波羅蜜勤修利益之行。破迷離暗。
 速令成佛。是故菩薩號功德慧世界名青蓮華佛。
 果號之爲風月佛也。以風能淨諸垢故。此已上是
 生貴住中對治法門故。此當善財第四善知識彌
 伽長者說輪字法門。了俗諦法。而令愚黑者得出
 世樂故。第五菩薩名精進慧者。於此義中西義如
 前。一所以名精進慧。明此位是具足方便住精勤
 修習方便定門。以彰深智慧故。以立其名。又一行
 之中具無量行。故於定位起精進之名。精進之上
 起功德之名。以明諸行參用。一行具無量行故。二

来方。一明菩萨名者。云何名功德慧。此位修精进波罗蜜。勤行利物广益众生故。招多功德。以立其名。二明世界名者。所以名优钵罗华。此云青莲华。诸色莲华。此华最胜。为明诸行之中。精进最胜。故以此华为所居法体故。一切万行。以此为功。三明佛果之号。所以名为风月佛。为明精进波罗蜜。离慢无懈。一念成佛。速疾如风。又明精勤观照定慧如风。能消染净无明尘垢。香臭悉吹。如风能清凉故。四明所从来方者。是北方之众。北方者。是坎位。是黑。是愚。是世间险盗之义。又为师为君之位。以是义故。以精进波罗蜜。勤修利益之行。破迷离暗。速令成佛。是故菩萨号功德慧。世界名青莲华。佛果号之为风月佛也。以风能净诸垢故。此已上是生贵住中对治法门故。此当善财第四善知识弥勒长者。说轮字法门。了俗谛法。而令愚黑者。得出世乐故。第五菩萨名精进慧者。于此义中。四义如前。一所以名精进慧。明此位是具足方便住。精勤修习方便定门。以彰深智慧故。以立其名。又一行之中。具无量行故。于定位起精进之名。精进之上。起功德之名。以明诸行参用。一行具无量行故。二

世界名金剛華者。以法性爲禪體。起妙慧。揀擇正邪不壞。是金剛義故。華者行也。以明定慧能揀擇之妙用故。三佛果名水月者。爲定體能淨能清涼。能現萬像如水故。四明所從來方者。是東北方之眾。東北者是艮位也。爲山爲石爲門闕爲童蒙爲初明爲高顯爲寂靜爲止。以明定體徧與諸位諸行修進。啟蒙發明清涼。惑熱進修始終之本末故。爲艮爲歲始年終之本末故。爲初明爲止故。菩薩名精進慧。世界名金剛華佛號爲水月。此是善財第五善知識解脫長者主禪門。於其身中現十佛刹塵佛國土。總在身中十方各十佛刹微塵之數。佛國土總在身中。明禪體周徧故。第六善慧菩薩四義如前。一明菩薩名者。明此正心住修般若波羅蜜智慧門故。菩薩名善慧。二妙香華世界者。以明妙用智慧之香華開敷。自他佛果。明智慧說教是香華義故。三佛號解脫月者。明妙慧分明心境解脫故。四明所從來方者。此是東南方之眾。東南方是巽位。巽爲風。教爲言說。以像此位以智慧善說妙法教化眾生令解脫故。是故菩薩名善慧。世界名妙香華佛果號解脫月。此當善財第六海幢

世界名金刚华者。以法性为禅体。起妙慧拣择正邪不坏。是金刚义故。华者行也。以明定慧能拣择之妙用故。三佛果名水月者。为定体能净。能清凉。能现万像。如水故。四明所从来方者。是东北方之众。东北者。是艮位也。为山。为石。为门阙。为童蒙。为初明。为高显。为寂静。为止。以明定体。遍与诸位诸行修进启蒙。发明清凉惑热进修始终之本末故。为艮为岁始年终之本末。故为初明为止。故菩萨名精进慧。世界名金刚华。佛号为水月。此是善财第五善知识解脱长者。主禅门。于其身中现十佛刹尘佛国土总在身中。十方各十佛刹微尘之数佛国土总在身中。明禅体用遍故。第六善慧菩萨。四义如前。一明菩萨名者。明此正心住。修般若波罗蜜智慧门故。菩萨名善慧。二妙香华世界者。以明妙用智慧之香华。开敷自他佛果。明智慧说教。是香华义故。三佛号解脱月者。明妙慧分明。心境解脱故。四明所从来方者。此是东南方之众。东南方是巽位。巽为风教。为言说。以像此位。以智慧善说妙法。教化众生。令解脱故。是故菩萨名善慧。世界名妙香华。佛果号解脱月。此当善财第六海幢

比丘位。身心寂然。離出入息。身出化身。徧法界。故
 明寂用自在。得寂滅神通。第七菩薩名智慧。四義
 如前。一明菩薩名智慧者。明此不退住。是第七成
 大慈悲門。以智慧成滿。方能隨俗。善入生死。以此
 爲名。二世界名悅意華者。以有智慧。在於生死。隨
 順六道。同事利生。知根悅俗。皆令得入法悅。無憂
 故。名悅意華。三佛號無上月者。明諸行之中。慈悲
 爲首。爲濟利眾生。爲最勝故。故號之名無上月。四
 所從來方者。西南方也。是坤位。爲信順。爲母。爲地
 爲眾。明方便波羅蜜。以大悲爲母。入於一切眾生
 生死之地。同一切眾生之行。而教化之。令信順入
 正法故。是故菩薩名智慧。世界名悅意華。佛號爲
 無上月。此當善財第七善知識。休捨優婆夷。此云
 滿願。以大慈悲行。滿眾生願故。像此方西南爲母
 義。表悲位故。第八眞實慧菩薩。四義如前。一明菩
 薩名者。以此第八童眞住中。行願波羅蜜。以眞實
 智慧。不謬誤眾生故。二明世界名者。世界名阿盧
 那華。此云紅蓮華。此華赤白分明。是其紅色。爲此
 位。是第八住智增位。明以大智隨願行悲。令智悲
 圓滿。如紅蓮華赤白分明。白表智。赤表悲。故世界

比丘位。身心寂然。离出入息。身出化身遍法界故。明寂用自在。得寂灭神通。第七菩萨名智慧。四义如前。一明菩萨名智慧者。明此不退住。是第七成大慈悲门。以智慧成满。方能随俗。善入生死。以此为名。二世界名悦意华者。以有智慧。在于生死。随顺六道。同事利生。知根悦俗。皆令得人法悦无忧故。名悦意华。三佛号无上月者。明诸行之中。慈悲为首。为济利众生为最胜故。故号之名无上月。四所从来方者。西南方也。是坤位。为信顺。为母。为地。为众。明方便波罗蜜。以大悲为母。入于一切众生死之地。同一切众生之行而教化之。令信顺入正法故。是故菩萨名智慧。世界名悦意华。佛号为无上月。此当善财第七善知识休舍优婆夷。此云满愿。以大慈悲行。满众生愿故。像此方西南为母义。表悲位故。第八真实慧菩萨。四义如前。一明菩萨名者。以此第八童真住中。行愿波罗蜜。以真实智慧。不谬误众生故。二明世界名者。世界名阿卢那华。此云红莲华。此华赤白分明。是其红色。为此位是第八住智增位。明以大智随愿行悲。令智悲圆满。如红莲华赤白分明。白表智。赤表悲故。世界

名紅蓮華。表隨真智處生死而無染。如蓮華虎亦白開敷而可觀故。三。明佛號星宿月者。爲此位真智朗明。知根器而了差別故。佛號爲星宿月表了眾生差別根性分明也。四。所來方者是西北方。爲乾爲父爲堅剛爲天。爲團圓白淨能現眾色處其中。以是義故。菩薩名眞實慧。世界名紅蓮華。佛號星宿月。總明大智圓明能現眾生根器差別。如天現象品物分明。此當善財第八善知識仙人毗目瞿沙。此云出聲可畏。明真智圓明出語眾邪可畏。仙人者爲表此位智增無染故。又表得智同邪化邪見故。第九無上慧菩薩。四義如前。一。明菩薩名者。以此位是力波羅蜜法王子住。善說法故名無上慧。二。世界名者。所以世界名那羅陀華者。那羅者此云人也。陀云爲持。爲此華香潔殊妙。人持帶佩。表此位菩薩以善說妙法殊妙聞之者得戒定慧解脫知見五分法身之香。人皆持誦帶佩。故世界名那羅陀華。三。明何故佛號清淨月。此位菩薩善說法故爲大法師。能淨自他煩惱故。佛號清淨月。四。從所來方者。是下方之眾。明下方是金剛是水是風輪能持世間故。表此位菩薩善說妙

名红莲华。表随真智处生死而无染。如莲华^处水赤白开敷而可观故。三明佛号星宿月者。为此位真智朗明。知根器而了差别故。佛号为星宿月。表了众生差别根性分明也。四所来方者。是西北方为乾。为父。为坚刚。为天。为团圆白净。能现众色。咸处其中。以是义故。菩萨名真实慧。世界名红莲华。佛号星宿月。总明大智圆明。能现众生根器差别。如天现象品物分明。此当善财第八善知识。仙人毗目瞿沙。此云出声可畏。明真智圆明。出语众邪可畏。仙人者。为表此位智增无染故。又表得智同邪。化邪见故。第九无上慧菩萨。四义如前。一明菩萨名者。以此位是力波罗蜜。法王子住。善说法故。名无上慧。二世界名者。所以世界名那罗陀华者。那罗者。此云人也。陀云为持。为此华香洁殊妙。人持带佩。表此位菩萨。以善说妙法殊妙。闻之者。得戒定慧解脱知见五分法身之香。人皆持诵带佩故。世界名那罗陀华。三明何故佛号清净月。此位菩萨。善说法故。为大法师。能净自他烦恼故。佛号清净月。四从所来方者。是下方之众。明下方。是金刚。是水。是风轮。能持世间故。表此位菩萨。善说妙

法能持世間軌度法則令人倣學。是故菩薩名無上慧世界名那羅陀華佛號清淨月。此位同善財見勝熱婆羅門。昇刀山。入火聚。隨諸人天所來見者皆得道而去。此明菩薩智滿同邪攝諸異道令入正見故。第十堅固慧菩薩四義如前。一明所以菩薩名堅固慧者。以此位是灌頂住。行智波羅蜜。能堅固利益一切眾生以爲其名。二世界名虛空華者。以智慧日照明世間及出世間。總無依住以此爲名。三明所以佛號明了月者。以此位大智圓明普照世間無不明了。以此爲名。四所來方者是上方之眾。上方者爲虛空爲日月星辰。表大智無依不依空有。明鑿萬象如日月星辰。是故菩薩名堅固慧世界名虛空華佛號明了月。此位是善財童子見師子幢王女名慈行童女。師子幢王女者。明智悲圓滿。以此十住一終已生在佛家。會融十法悲智一終圓滿也。以從初住創生佛家修智行悲卽王女慈行。十地修悲已滿。於十一地初以悲行智卽佛母摩耶幻生諸佛。佛是大智。母是大悲。廣意至文方明。如下十段頌文隨文可知。一依如前科文釋過。已上菩薩名世界名十箇佛果。總是